



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita S. Liborii Episcopi, Calcvlo Laborantivm Patroni

Bolland, Johannes

Antverpiae, 1648

Illmo. Et. Revmo.. Domino Fabio Chisio Episcopo Neritonensi, S.D.N.
Innocentii X. Pont. Maximi

urn:nbn:de:hbz:466:1-9573

ILL^{MO}. ET REV^{MO}. DOMINO
FABIO CHISIO
EPISCOPO NERITONENSI,
S. D. N.
INNOCENTII X.
PONT. MAXIMI

Ad conuentū Monasteriensem,
pro pace vniuersali consti-
tuendā, cum potestate LE-
GATI A LATERE,
NVNTIO APOSTOLICO.

Xiguam hanc , IL-
LVSTRISSIME
PRÆSVL, patere
in lucem edi, Tuo di-
catam nomini, lucu-
brationem , de Vitâ, Translatione,
Miraculis sanctissimi Episcopi Li-

† 3

BQ-

TH 2465

BORII, Patroni laborantium calcu-
lo, dati olim VVestphalis, ad pacis
cum Galliā securitatem. Quæ tria in
personam dignitatemque Tuam scitè
congruere, inficiari nemo potest.

Nam primum LIBORII virtus-
tes ita moribus exprimis, ut vel
hanc iam antè habuisse præ oculis
Vitam, ad cuius normam Tuæ exige-
res modum, vel Tuam certè, ab eodem
Diuino Spiritu conformatam, in hoc
veluti speculo nunc intuiturus credi
meritò possis. Etenim si quibus verbis
LIBORIVM vetus scriptor cele-
brat, eadem planè in Te velim usur-
pare, intelligent, quicumque Te no-
uere, nihil à me supra verum exag-
gerari.

Ille non ignobili ortu pro-
sapiâ, ab ætate primæuâ matu-
rum in bonis actibus cor gere-
bat, adeò verò sele humilem &
quie-

quietum & trementem sermones Domini exhibebat, ut merito super illum Spiritus sancti gratia requieuisse credatur, quæ illum ad sacerdotij dignitatem, ad regimen fidelis populi nutriebat. Hæc illius animo flagrantissimum discendi studium inspirauerat, quatenus cælestium fluentis arcanorum, ipsius præcordiorum intima salubriter implerentur. Cunctarum fere sibi utilium scientiam Scripturarum satagebat intentus auditor acquirere. Nec deerat sagacis ingenij vigor, largam bono studio efficaciam subministrans. Denique simul cum processu temporis, probitatis ac sophiæ proficiens incrementis, ita in breui maturitatem virilis ornabat etatis, ut acceptus apud

† 4 om-

omnes , & tam honore quām
amore dignus haberetur. Nec
mirum; quippe quem nulli elat-
io proteruum , nulli asperum
liuor, nulli contemptibilem fe-
cit ignauia: sed humilitas etiam
in simis coaptaret, caritas cun-
ctis exhiberet affabilem & con-
formem. Postquām Clero asso-
ciatus, ac officijs est functus Ec-
clesiasticis , amplius totum se
Diuino cultui visus est manci-
pare. Studebat namque cunctos
actus cogitatusque suos ad ra-
tionis normam dirigere , cir-
cumspectus ac prouidus, doc-
ilisque & cautus existere, aduersa
vel prospera æquanimiter ferre,
animam supra temporalis peri-
culi metum fortiter agere ; ha-
bere de Dei bonitate fiduciam,
securitatem, constantiam, tole-
ran-

rantiam , firmitatem ; in nullo
legem moderationis excedere.
Hinc modestus & abstinens,
castus & honestus, parcus & so-
brius , ante Deum & homines
permanebat. Iam verò in illo
propositum æquitatis iustitiæ-
que seruandæ quis vnquam di-
gnè valeat explicare? Quis eius
circa innocentiam , humanita-
tem & C O N C O R D I A M stu-
dium, quis erga pietatem & reli-
gionem enarret affectum? Ei ad
docendum suppetebat linguae
disertitudo , ad doctrinam ex-
emplis firmandam vitæ rectitu-
do, ad exorandum pro subditis
Deum meriti magnitudo. Sus-
cepto verò sacerdotio, nihil ex
studio sanctitatis , quam priùs
exercuerat, dereliquit: sed tan-
quàm lucerna super candelas

† 5 brum

brum posita, ita ille Diuinâ luce
repletus, quò in eminentiore
constitutus est loco, eò latius in
Dei collatæ sibi gratiæ notitiâ
refulgebat. Neque illum tantæ
dignitatis honores solitæ reli-
gionis mutare fecerunt mores,
nec Ecclesiasticorum occupa-
tiones negotiorum quidquam
ex quotidianâ Diuinæ laudis &
placationis seruitute pretermit-
tere coegerunt. Ob hoc nullius
momenti spatum otiosè transi-
gere volens, semper erat utili-
bus intentus actibus, nunc le-
ctioni Diuinarum Scriptura-
rum operam impendens, nunc
orationi prolixius incumbens,
interdum etiam rerum exterio-
rum dispositioni, prout suo
conueniebat officio, prudenter
consulens atque prospiciens.

Hæc

Hæc aliaque de LIBORI oseri-
ptor antiquus. Quæ si de FABIO
CHISIO prædicem vniuersa, mini-
mè verebor, ne quis me Tibi, ILLV-
STRISSIME PRÆSVL, suspice-
tur assentari voluisse: qui verissimæ
laudationis testes habeam, quotquot
Tecum Monasterij egerunt, Regum
Rerumque publicarum totius Euro-
pæ Feciales, Italos, Hispanos, Francos,
Allobroges, Burgundiones, Germa-
nos, Belgas, etiam eos qui necdum in
sacrorum communionem cum Roma-
nâ Ecclesiâ redière, Tuæ tamen inte-
gritatis ac sapientiæ, quam non incu-
riose contemplati sunt, non dissimu-
lant apud gentiles suos præconia. Ne-
que ipse inficiari potes, ab harum vir-
tutum, quas recensui, studio, nullam
vitæ Tuæ partem abhorruisse: ut vel
idcircò acceptam Tibi S. LIBORII
Vitam fore confidam, quod earum

virtus-

virtutum exempla, et si iam à Te oc-
cupata, propositura sit.

An verò illud negabimus accipi in
omen Liborianæ laudis potuisse,
quod simul in Germaniam veneras,
acutissimis calculi doloribus torqueri
cœpisti? siue ille sedentarij studij, cui à
primâ aetate, eruditionis amore, insue-
ueras, fructus fuit; siue id cæli rigor
potuit, aut sidus aliquod: ut iam tum
presentires, quibuscum mortalibus
dui multumque versari Te deinceps
oporteret; quibus, ad omnem licet cul-
tum humanitatis & naturâ factis,
& optimarum artium tractatione
perpolitis, rigor tamen quidam Mar-
tius in ferrum ac saxa videtur ani-
mos hisce temporibus glaciasse. At
postquam Tibi, ingenti plurium die-
rum cruciatu, excisa interanea illa est
petra, medicis ipsis constantiae Tuæ
miraculo attonitis; ne quando renasci,

pt

ut subinde solet, feralis illa glarea pos-
sit, lenius, Tuæque pietati congruen-
tius, in S. LIBORII patrocinio, pa-
ratum Tibi præsidium erit. Quis scit,
an non etiam ipsius deprecatione,
quod Tuam operam VVestphaliæ sibi
creditæ salutarem nouerat fore, eati-
bi tam feliciter sectio curatioque eue-
nit?

Aliud exinde plures iam annos, la-
bore planè Sisyphio, voluendum Tibi
saxum fuit: ut hostiliter dissidentes
Christianorum Principum ac populo-
rum mentes ad concordiæ studium fle-
teres, diuque exoptatam orbi resti-
tueres pacem. Hic Tu etiamnum,
quod alteri Episcopo olim inculcabat
Apostolus, instas opportunè, im-
portunè, arguis, obsecras, incre-
pas, in omni patientiâ & doctri-
nâ: ita tamen, ut queri Tibi fortasse
nonnumquam cum Psalmistâ iure li-
ceat:

ceat: Habitaui cum habitanti-
bus Cedar: cum his qui oderunt
pacem, eram pacificus.

Hoc quoque S. LIBORII habes.
Multa ille, dum viueret, aspera per-
pessus, Gallias identidem irrumpen-
tibus à Germaniâ ac populantibus
Barbaris; suffulsa tamen virtute ac
sapientiâ Ecclesiam, Catholicos con-
firmauit, templa plurima erexit, ru-
des instruxit, omnes ad pietatis stu-
dium inflammauit: ac demum qua-
dringentis ferme & quinquaginta
post mortem annis in VVestphaliā
(quæ pars occidua ac validissima ve-
teris Saxoniæ) est translatus, ad stabi-
liendam eius prouinciæ tranquillita-
tem, religionis orthodoxæ integrita-
tem, cum Francorum gente amici-
tiam. Cùm enim victricibus Magni
Caroli armis domiti Saxones, da-
tam Christo fidem sèpius fallerent,
tum

tum naturæ quadam imbecillitate & inconstantiâ identidem ad auitos ritus respectante, tum dæmonum astis continuisque illecebris, tum denique vicinorum Sclauorum ac Danorum instigatu; curauit sapientissimus Antistes Baduradus, S. LIBORIE Reliquias, ut publicæ pietatis incitamentum, arrham quietis, aduersùs Barbaros præsidium, pignus firmæ cum gente Francorum amicitiæ, imò cuiusdam cum ipsis Galliarum Ecclesijs (ut appellarunt) fraternitatis; Ludouici Pij Imperatoris auctoritate, S. Aldrici Præfulis munificentiâ, Cenomanorum populi assensu, plurimarum urbium festiuâ gratulatio- ne, Saxonum incredibili concursu, ad urbem suam Paderbornam trans- ferri.

Neque nunc minor est illius ami- citiæ fraternitatisque restituendæ ne- cessi-

cessitudo; cùm tot iam annos, in infi-
nitâ hominum cæde, excidijs vrbium,
vastationibus regnorum, vietrix
triumphet impietas, vltimi Septem-
trionis potentia subnixa: ac pericu-
lum sit, ne omni Christianæ Reipub.
robore ac veluti sanguine exhausto,
peruadendum crudelissimo Turcarum
tyranno prostituat, quod superest Eu-
ropæ. Propterea Te V R B A N V S VIII.
primùm, dein I N N O C E N T I V S X.
Pontifices Maximi, Liboriano quo-
dam, vt ita loquar, fato, in eamdem
V Westphaliā legarunt, vt inuicem
rursus consocies coniuratas in mu-
tuam perniciem nationes. Aderit hic
quoque, ne dubita, L I B O R I I auxi-
lium, ad suorum Saxonum salutem
intenti. Prouehet ille conatus Tuos,
qui etiam Vestram, hoc ipso tempore,
nouo beneficiorum suorum splendore
illustrauit Italiam. Quique saxa in
ipsis

ipsis hominum coagulata corporibus
dissoluit, duritiem tandem emolliet
animorum.

Accipe igitur, ILLVSTRISSIME
PRÆSVL, obseruantiae in Temeæ
tenue pignus, libellum hunc, virtutes
S. LIBORII, antiquitus descriptas,
Translationem, Miracula continen-
tem. Illud voueo, ut quibus auspicijs
Antistitum ac Regum, quâque popu-
lorum alacritate ac fructu, ante annos
DCCCXII. hoc ipso die v. Kalend. Iu-
nij, Paderbornam primùm eius allatæ
Reliquiæ sunt; ijsdem breui illius ac
reliquorum cælitum legitima venera-
tio, aduersus sacrosanctum Numen
pura religio, prouinciarum tranquil-
itas, Tuis laboribus asserta, sancia-
tur. Ita Deum ac Sanctos precor,

ILL^{MAE}. ET REV^{MAE} D.T.

humillimus cliens

IOANNES BOLLANDVS.

TT

PIO